



XII Premio a artigos  
xornalísticos  
normalizadores  
Concello de Carballo

2016

Premio  
a artigos  
xornalísticos  
normalizadores

[www.carballo.gal](http://www.carballo.gal)



# XII Premio a artigos xornalísticos normalizadores Concello de Carballo

2016

## Bases

### 1. Obxectivos

O Concello de Carballo, desde o seu Servizo de Normalización Lingüística e en colaboración con varios medios de comunicación escritos, convoca o **XII Premio a artigos xornalísticos normalizadores Concello de Carballo 2016** cos seguintes obxectivos:

- Incentivar a reflexión sobre a situación social da lingua galega.
- Crear espazos nos medios para fomentar o uso do idioma galego.
- Promover o uso do galego na prensa escrita.

### 2. Participantes

Poderán participar neste concurso de xeito individual todas aquelas persoas interesadas, sen límites de idade ou nacionalidade.

### 3. Características dos artigos

Os artigos serán de opinión e inéditos, deberán estar escritos en galego e deberán contar cos trazos máis significativos do estilo xornalístico: estilo breve e directo, linguaxe xornalística, capacidade de incidencia no público, etc.

Neles deberase tratar algún tema concreto relacionado coa situación sociolingüística do noso país, co fomento da lingua galega, co seu estatus, co argumentario a prol do uso do galego e da normalización lingüística, coa lexislación e os dereitos lingüísticos, con experiencias sociolingüísticas concretas, con propostas para o impulso do uso e prestixio social do galego, con experiencias útiles ou favorables para a dinamización da lingua, coa política lingüística, etc.

Os artigos presentados deberán ter entre **1.800 e 3.300 caracteres** con espazos incluídos.

### 4. Forma de presentación

Os artigos presentaranse nun sobre grande pechado, deberán estar asinados cun pseudónimo e neles non poderá figurar o nome nin ningunha outra referencia á autora ou autor.

Dentro do sobre grande incluírase tamén un sobre pequeno pechado que levará escrito por fóra o título do artigo e o pseudónimo da súa autora ou autor. No seu interior, para non poder ser visto, figurará o nome e apelidos do/a autor/a, o enderezo completo, o número de teléfono, o enderezo electrónico, un breve currículo ou presentación de tres ou catro liñas, o título do artigo e o pseudónimo utilizado.

Os artigos deberán presentarse por **cuadruplicado** no Rexistro do Pazo da Cultura do Concello de Carballo ou por correo certificado en sobre pechado no que se deberá incluír toda a documentación requirida. No remite debe sinalarse o pseudónimo empregado e na parte dianteira do sobre:

XII Premio a artigos xornalísticos normalizadores  
Concello de Carballo 2016  
Rexistro - Pazo da Cultura, 1º andar  
Rúa do Pan s/n. 15100 Carballo

Horario do rexistro: de 10.00 h a 13.30 h.

### 5. Prazo de presentación

O prazo de presentación comezará no momento da publicación destas bases no web do Concello de Carballo ([www.carballo.gal](http://www.carballo.gal)) e o último día para presentar artigos ser o **14 de abril** de 2016, tanto no rexistro do Pazo da Cultura como en calquera oficina de correos, enviándoos por correo certificado.

### 6. Premio

Outorgarase un único premio de **1.000 euros** e a **publicación** do artigo nos medios colaboradores.

Á contía económica do premio aplicaráselle a retención fiscal correspondente.

Así mesmo, tamén se poderán seleccionar outros artigos para incluír nunha futura publicación. Estes só se farán públicos e difundirán co permiso previo das súas autoras ou autores.

### 7. Xurado

O xurado, que será presidido polo alcalde ou persoa en quen delegue, estará composto por tres persoas de recoñecida capacidade no ámbito ao que se refire a convocatoria e por un secretario ou secretaria, con voz e sen voto, en representación do Concello de Carballo.

### 8. Selección, avaliación e entrega do premio

Para a selección do traballo premiado, o xurado valorará principalmente:

- A capacidade de incidencia no público do artigo.
- A orixinalidade e atracción dos contidos e argumentos, así como do seu tratamento, para promover o uso e prestixio da lingua galega.
- A concreción e o encadramento nun tema, ámbito ou sector determinado.
- A linguaxe xornalística e o estilo directo e breve.
- A clareza expositiva e a calidade lingüística.

Ao xurado correspóndelle avaliar e deliberar sobre os traballos presentados e poderá declarar deserto o premio, así como conceder algún accésit –sen dotación económica–, que só se fará público co permiso previo da autora ou autor.

A decisión do xurado farase pública no prazo máximo de 25 días contados a partir do seguinte do remate do prazo de entrega de artigos.

A entrega do premio terá lugar nun acto público nunha data que se anunciará coa suficiente antelación.

O artigo gañador publicarase a partir desa data nos distintos medios colaboradores.

### 9. Base final

Os artigos premiados quedarán en propiedade do Concello de Carballo, a quen se lle permite o seu uso e difusión por todos os medios, sen xerar iso ningún tipo de custo económico por dereitos de autoría nin outros conceptos.

Para a súa publicación, os artigos poderán ser revisados lingüísticamente.

A participación supón a total e plena aceptación destas bases, sobre as que diante de calquera dúbida prevalecerá a opinión do xurado

### MEDIOS QUE PUBLICARÁN O ARTIGO GAÑADOR

Medios en galego

**Galicia Confidencial**

(diario dixital | [www.galiciaconfidencial.gal](http://www.galiciaconfidencial.gal))

**Praza Pública**

(diario dixital | [www.praza.gal](http://www.praza.gal))

**Que pasa na Costa**

(diario dixital | [www.quepasanacosta.gal](http://www.quepasanacosta.gal))

**Sermos Galiza**

(semanario en papel e diario dixital | [www.sermosgaliza.gal](http://www.sermosgaliza.gal))

**Tempos Novos**

(revista mensual | [www.temposdixital.com](http://www.temposdixital.com))

Outros medios

**Diario de Bergantiños**

(diario en papel)

**El Correo Gallego**

(diario en papel e dixital | [www.elcorreogallego.es](http://www.elcorreogallego.es))

**La Opinión de A Coruña**

(diario en papel e dixital | [www.laopinioncoruna.com](http://www.laopinioncoruna.com))

**La Voz de Galicia**

(diario en papel e dixital | [www.lavozdeg Galicia.es/carballo](http://www.lavozdeg Galicia.es/carballo))